

四庫全書

集部

欽定四庫全書

御定全唐詩卷四百二

元稹

遣春十首

曉月籠雲影，鶯聲餘霧中。  
暗芳飄露氣，輕寒生柳風。  
冉冉一趨府，未為勞我躬。  
因茲得晨起，但覺情興隆。

久雨憐霽景，偶來隄上行。  
空濛天色嫩，杳淼江面平。  
百草短長出，衆禽高下鳴。  
春陽各有分子，亦澹無情。

鏡皎碧潭水微波粗成文煙光垂碧草瓊肌散纖雲岸  
柳好陰影風裾遺垢氛悠然送春日八荒誰與羣

低迷籠樹煙明淨當霞日陽燄波春空平湖漫疑

一作疑

溢雪驚遠近飛渚牙淺深出江流復浩蕩相為坐紆鬱  
暄寒深淺春紅白前後花顏色詎相讓生成良有涯梅  
芳勿自早菊秀勿自賒各將一時意終年無再華

高屋童稚少春來歸燕多葺舊良易就新院亦已羅俯  
憐雛化卵仰媿鵬無窠巢棟與巢幕秋風俱奈何

撩亂撲樹蜂摧殘  
戀房蕊風吹雨又頻  
安得繁於綺酒  
盃沉易過世事紛  
何已莫倚顏似花  
君看歲如水  
繞郭高高冢半是  
荆王墓後嗣熾陽  
臺前賢甘華路善  
惡徒自分波流盡  
東注胡然不飲酒  
坐落桐花樹

花陰莎草長藉莎  
間自酌坐看鶯鬪  
枝輕花滿尊杓葛  
巾竹梢挂書卷琴  
上閣沽酒過此生  
狂歌眼前樂

梨葉已成陰柳條  
紛起絮波綠紫屏  
風螺紅碧籌筓三  
杯面上熟萬事心  
中去我意風散雲  
何勞問行處

表夏十首

夏風多暖暖樹木有繁陰  
新筍紫長短早櫻紅淺深  
煙花雲幕重榴豔朝景侵  
華實各自好詎云芳意沉

初日滿階前輕風動簾影  
旬時得休浣高臥閱清景  
僮兒拂巾箱鷄輒深林井  
心到物自閒何勞遠箕顙

江瘴炎夏早蒸騰信難度  
今宵好風月獨此荒庭趣  
露葉傾暗光流星委餘素  
但恐清夜徂詎悲朝景暮

孟月夏猶淺奇雲未成峰  
度霞紅漠漠壓浪白溶溶  
玉

委有餘潤飈馳無去蹤何如捧雲雨噴毒隨蛟龍

流芳逸炎景繁英盡寥落公署香滿庭晴霞覆闌藥栽  
紅起高燄綴綠排新萼憑此遣幽懷非言念將謔

紅絲散芳樹旋轉光風急煙泛被籠香露濃妝面溼佳  
人不在此恨望堦前立忽厭夏景長今春行已及

百舌漸吞聲黃鸝正嬌小雲鴻方警夜籠雞已鳴曉當  
時客自適運去誰能矯莫厭夏蟲多蜩蟬定相擾

翩翩簾外燕戢戢巢內雛啖食筋力盡毛衣成紫襦朝

來各飛去雄雌梁上呼養子將備老惡兒那勝無

西山夏雪消江勢東南瀉風波高若天豔潁低於馬正  
被黃牛旋難期白帝下我在平地行翻憂濟川者

靈均死波後是節常浴蘭絲縷碧筠糴香杭白玉團逝  
者良自苦今人反為歡哀哉徇名士沒命求所難

解秋十首

清晨顏寒水動搖襟袖輕翳翳林上葉不知秋暗生回  
悲鏡中髮華白三四莖豈無滿頭黑念此衰已萌

微霜纔結露翔鳩初變鷹無乃天地意使之行小懲鵠  
鶚誠可惡蔽日有高鵬捨大以擒細我心終不能

往歲學仙侶各在無何鄉同時驚名者次第鵷鷺行而  
我兩不遂三十鬢添霜日暮江上立蟬鳴楓樹黃

後伏火猶在先秋蟬已多雲色日夜白驕陽能幾何壤  
隙漏紅海忽微成網羅勿言時不至但恐歲蹉跎

新月纔到地輕河如泛雲螢飛高下火樹影參差文露  
簾有微潤清香時暗焚夜閒心寂默洞庭無垢氛



霽麗牀前影飄蕭簾外竹簟涼朝睡重夢覺茶香熟親烹園內葵憑買家家麴釀酒并毓蔬人來有碁局

寒竹秋雨重凌霄晚花落低回翠玉梢散亂梔黃萼顏色有殊異風霜無好惡年年百草芳畢意同蕭索

春非我獨春秋非我獨秋豈念百草死但念霜滿頭頭白古所同胡為坐煩憂茫茫百年內處身良未休

西風冷衾簟展轉布華茵來者承玉體去者流芳塵適意醜為好及時疎亦親衰周仲尼出無乃為妖人

漠漠江面燒微微  
楓樹煙今日復今夕  
秋懷方浩然況  
我頭上髮哀白  
不待年我懷有時極  
此意何由詮

遣病十首

服藥備江瘴四年方一癘  
豈是藥無功伊予久留滯  
滯留人固薄瘴久藥難制  
去日良已甘歸途奈無際

棄置何所任鄭公憐我病  
三十九萬錢

歲入之大率

資子養

頑暝身賤殺何益  
恩深報難罄公其萬  
千年世有天之

鄭

憶作孩推初健義成人列倦學厭日長嬉遊念佳節今  
來漸諱年頓與前心別白日速如飛佳晨亦騷屑

昔在痛飲場憎人病辭醉病來身怕酒始悟他人意怕  
酒豈不閒悲無少年氣傳語少年兒杯盤莫迴避

憶初頭始白晝夜驚一縷漸及鬢與鬚多來不能數壯

年等閒過過

上如字  
下音戈

壯年已五華髮不再青勞生竟何

補

在家非不病有病心亦安起居甥姪扶藥餌兄嫂看今

病兄遠路道遙書信難寄言嬌小弟莫作官家官

燕巢官舍內我爾俱為客歲晚我獨留秋深爾安適風  
高翅羽垂路遠煙波隔去去玉山岑人間網羅窄

簷宇夜來曠暗知秋已生卧悲衾簟冷病覺支體輕炎  
昏豈不勸時去聊自驚浩歎終一夕空堂天欲明

秋依靜處多況乃凌晨趣深竹蟬晝風翠茸衫曉露庭  
莎病看長林果閑知數何以強健時公門日勞驚

朝結故鄉念暮作空堂寢夢別淚亦流啼痕暗橫枕昔

愁憑酒遣今病安能飲落盡秋槿花離人病猶甚

寒

江瘴節候暖臘初梅已殘夜來北風至喜見今日寒扣  
冰淺塘水擁雪深竹闌復此滿尊醪但嗟誰與歡

玉泉道中作

楚俗物候晚孟冬纔有霜早農半華實夕水含風涼遐  
想雲外寺峰巒渺相望松門接官路泉脈連僧房微露  
上弦月暗焚初夜香谷深煙壑淨山虛鐘磬長念此清

境遠復憂塵事妨行即前路勿滯分寸光

遣病

自此通  
州後作

自古誰不死不復記其名今年京城內死者老少并獨

孤纔四十

秘書少  
監郁

仕宦方榮榮李三三十九

監察御  
史顧言

登

朝有清聲趙昌八十餘三擁大將旌為生信異異之死

同冥冥其家哭泣愛一一無異情其類嗟歎惜各各無

重怪萬齡龜菌等一死天地平以此方我病我病何足

驚借如今日死亦足了一生借使到百年不知何所成

況我早師佛屋宅此身形捨彼復就此去留何所縈前  
身為過跡來世即前程但念行不息豈憂無路行蛇骨  
龍不死蛇皮蟬自鳴胡為神蛇體此道人不明持謝愛  
朋友寄之仁弟兄吟此可達觀世言何足聽

感夢

夢故兵部裴  
尚書相公

十月初二日我行蓬州西三十里有館有館名芳溪荒  
郵屋舍壞新雨田地泥我病百日餘

一作  
餘日

肌體頗若封

氣填暮不食早早掩竇圭陰寒筋骨病夜久燈火低忽

然寢成夢宛見顏如珪似歎久離別嗟復悽悽問我

何病痛又歎何悽悽答云痰滯久與世復相睽重云痰

小疾良藥固易

一作宜

擠前時奉橘丸攻疾有神功何不

善和療豈獨頭有風

予頃患痰頭風踰月不差裴公教服橘皮朴硝丸數月而愈今夢中

復徵前說故盡記往復之詞

殷勤平生事歟曲無不終悲歡兩相極

以是半日中言罷相與行行古城裏同行復一人不

識誰氏子逡巡急吏來呼喚願且止馳至相君前再拜

復再起啓云吏有奉奉命傳所旨事有大驚忙非君不



能理答云久就閒不願見勞使多謝致勤勤未敢相唯  
唯我因前獻言此事愚可料亂熱由靜消理繁在知要  
君如冬月陽奔走不必名君如銅鏡明萬物自可照願  
君許蒼生勿復高體調相君不我言顧我再三笑行行  
及城戶黯黯餘日暉相君不我言一作握我手命我從此歸  
不省別時語但省涕淋漓覺來身體汗坐卧心骨悲閃  
閃燈背壁膠膠雞去時倦童顛倒寢我淚縱橫垂淚垂  
啼不止不止啼且聲啼聲覺僮僕僮僕撩亂驚問我何

所苦問我何所思我亦不能語慘慘即路岐前經新政  
縣今夕復明辰寘寘滿心氣不得說向人奇哉趙明府  
怪我眉不伸云有北來僧住此月與旬自言辨貴骨謂  
若識天真談遊費閱景何不與逡巡僧來為予語語及  
昔所知自言有奇中裴相未相時讀書靈山寺住處接  
園籬指言他日貴畧刻似不移我聞僧此語不覺淚啟  
欬去聲因言前夕夢無人一相謂無乃裴相君念我胸中  
氣遣師及此言使我盡前事僧云彼何親言下涕不已

我云知我深不幸先我死僧云裴相君如君恩有幾我  
云滔滔衆好直者皆是唯我與白生感遇同所以官學  
不同時生小異鄉里拔我塵土中使我名字美美名何  
足多深分從此始

一作治

吹噓莫我先頑陋不我鄙往往

裴相門終年不曾履相門多衆流多譽亦多毀如聞風  
過塵不動井中水前時予掾荆公在期復起自從裴公  
無吾道甘已矣白生道亦孤讒謗銷骨髓司馬九江城  
無人一言理為師陳苦言揮涕滿十指未死終報恩師

聽此男子

和東川李相公慈竹十二韻

次本韻

慈竹不外長密比青瑤華矛櫟有森束玉粒

一作立

無蹉

跚纖粉妍膩質細瓊交翠柯亭亭霄漢近霏霏雨露多

冰碧寒夜聳簫韶風晝羅煙含朧朧影月泛鱗鱗波鸞

鳳一已顧燕雀永不過幽姿媚庭實顥氣爽

一作陵

天涯

峻節高轉露貞筠寒更佳託身仙壇上靈物神所呵時

與天籟合

音閣

日聞陽春歌應憐孤生者摧折成病

一作沈

作癆  
臥

御定全唐詩卷四百二

欽定四庫全書

御定全唐詩卷四百三

元稹

酬東川李相公十六韻

次用本韻并啓

稹啓今月二十日州吏迴伏受相公書示知小生  
所獻和慈竹等詩闕達鑒覽不蒙罪退而又賜詩  
一十韻并首序一百二十三言廢名位之常數比  
朋友以字之飾揚涓埃投擲珠玉幸甚幸甚至於

廟議末學江花陋詞無不記在雅章以備光寵不  
勝惶駭驚慙之至昔楚人始交必有乘車戴笠不  
忘相揖之誓誠以為貴富不相忘之難也況貴賤  
之隔不啻於車笠之相懸而相公投貶珍重義豈  
唯一揖之容易哉積獨何人享是嘉惠輒復牽課  
拙劣酬獻所賜是猶百獸與鳳凰同舞於簫韶之  
中各極其歡心耳又何暇自審其形容之不類哉  
慶歲專人封用上獻死罪死罪謹啓

昔附赤霄羽歲幾遊紫垣鬪班香案上奏語玉晨尊  
慙直擿忌諱科儀懲傲頑自從真籙除棄置勿復論  
前時共遊者日夕黃金軒請帝下巫覡八荒求我魂  
鸞鳳屢鳴顧燕雀尚籬藩徒令霄漢外往往塵念存  
存念豈虛設併投瓊與璫彈珠古所訐此用何太敦  
鄒律寒氣變鄭琴祥景奔靈芝繞身出左右光彩繁  
碾玉無俗色藥珠非世言重慙前日句陋若藕並蓀  
臘月巴地雨瘴江愁浪翻因持駭雞寶一照濁水昏



酬獨孤二十六送歸通州

此後至和樂天  
三首並用本韻

再拜捧兄贈拜兄珍重言我有平生志臨別將具論十  
歲慕個儻愛白不愛昏寧愛寒切烈不愛暘溫敷二十  
走獵騎三十遊海門憎兔跳趯趯惡鵬黑翻翻鼉釣氣  
方壯鵲拳心頗尊下觀鬚鬚輩一掃冀不存名冠壯士  
籍功酬明主思不然合音閣身棄何況身上痕金石有銷  
爍肺腑無寒溫分晝久已定波濤何足煩嘗希蘇門嘯  
詎厭已樹猿瘴水徒浩浩浮雲亦軒軒長歌莫長歎飲

斛莫飲樽生為醉鄉客死作達士魂

酬劉猛見送

種花有顏色異色即為妖養鳥惡羽翮剪翮不待高非  
無剪傷者物性難自逃百足雖捷捷商羊亦翹翹伊余  
捐然質謬入多士朝任氣有愎戇容身寡朋曹愚狂偶  
似直靜僻非敢驕一為毫髮忤十載山川遙爍鐵不在  
火割肌不在刀險心露山嶽流語翻波濤六尺安敢主  
方寸由自調神劒土不蝕異布火不焦雖無二物姿庶

欲効一毫未能深覺覺多謝相勞勞去去我移馬遲遲  
君過橋雲勢正橫壑江流初滿槽

江槽  
楚語

持此慰遠道此

之為舊交

酬樂天赴江州路上見寄三首

昔在京城心今在吳楚末千山道路險萬里音塵濶天  
上參與商地上胡與越終天升沈異滿地網羅設心有  
無朕環腸有無繩結有結解不開有環尋不歇山嶽移  
可盡江海塞可絕離恨若空虛窮年思不徹生莫強相

同相國會相別

襄陽大隄繞我向隄前往燭隨花豔來騎送朝雲去萬竿高廟竹三月徐亭樹我昔憶君時君今懷我處有身有離別無地無歧路風塵同古今人世勞新故

人亦有相愛我爾殊衆人朝朝寧不食日日願見君一日不得見愁腸坐氛氲如何遠相失各作萬里雲雲高風苦多會合難遽因天上猶有礙何況地上身

郵竹

庭有蕭蕭竹門有闐闐騎翼靜本殊途因依偶同寄亭  
亭乍干雲娟娟亦垂地人有異我心我無異人意

落月

落月沈餘影陰渠流暗光蚊聲靄窗戶螢火繞屋梁飛  
幌翠雲薄新荷清露香不吟復不寐竟夕池水傍

高荷

種藕百餘根高荷纔四葉颭閃碧雲扇團圓青玉壘亭  
亭自擡舉鼎鼎難藏擘不學著水荃一生長怙怙

和裴校書鷺鷥飛

鷺鷥鷺鷥何遽飛鷺鷥雀噪難久依清江見底草

一作華

堂在一點白光終不歸

夜池

荷葉團圓莖削削綠萍面上紅衣落滿池明月思啼蜚

高屋無人風張

去聲幕

酬楊司業十二兄早秋述情見寄

今春與楊兄會於馮翊數

日而別 此

詩同州作

即定全唐詩

白髮故人少相逢意彌遠往事共銷沈前期各哀晚昨  
來遇彌苦已復雲離歎秋草古膠庠寒沙廢宮苑知心  
豈忘鮑詠懷難和阮壯志日蕭條那能競朝慙

代杭人作使君一朝去二首

使君一朝去遺愛在人口惠化境內春才名天下首為  
問龔黃輩兼能作詩否

使君一朝去斷腸如剉檠無復見冰壺唯應鏤金石自  
此一州人生男盡名白

長慶歷

年歷復年歷卷盡悲且惜歷日何足悲但悲年運易年  
年豈無數此數何唧唧所數別此年永無長慶歷

順宗至德大聖大安孝皇帝挽歌詞三首

左拾遺時

作

不改延洪祚因成揖讓朝謳歌同戴啓過密共思堯雨  
露施恩廣梯航會葬遙號弓那獨切曾感昔年招

前春文祖廟大舜嗣堯登及此踰年感還因是月崩壽



緣追孝促業在繼明興儉詔同今古山川繞灞陵  
七月悲風起淒涼萬國人羽儀經巷內輻輳轉城闌暝  
色依陵早秋聲入輅新自嗟同草木不識永貞春

憲宗章武孝皇帝挽歌詞三首

膳部員外時作

國付重離後身隨十聖仙北辰移帝座西日到虞泉方  
大言虛設華胥事眇然觸鱗曾在宥偏哭墮髯前

天寶遺餘事元和盛聖功二凶梟帳下三叛斬都中

楊惠

琳李師道傳首京師劉闢  
李錡吳元濟腰斬都市

始服沙陀虜方吞邏逤戎

沙陀

突厥自元和  
初始通中國  
狼星如要射  
猶有鼎湖弓

月落禁垣西  
星攢曉仗齊  
風傳宮漏苦  
雲拂羽儀低  
路隘車千兩  
橋危馬萬蹄  
共嗟封石檢  
不為報功泥

恭王故太妃挽歌詞二首

拔書郎  
時作

燕姑貽天夢  
梁王盡孝思  
雖從魏詔葬  
得用漢藩一作官

儀曙月殘光  
歛寒簫度曲  
遲平生奉恩  
地哀挽欲何  
之  
文衛羅新壙  
仙娥掩暝山  
雪雲埋隴合  
簫鼓望城還  
寒  
樹風難靜  
霜郊夜更閒  
哀榮深孝嗣  
儀表在河間

哭呂衡州六首

氣敵三人傑交深一紙書我投冰瑩眼君報水憐魚  
股惟夸瘦膏肓豈暇除傷心死諸葛憂道不憂餘

望有經綸釣度收宰相刀江文駕風遠雲貌接天高  
國待球琳器家藏虎豹韜盡將千載寶埋入五原蒿

白馬雙旌隊青山八陣圖請纓期繫虜枕草誓捐軀  
勢激三千壯年應四十無遙聞不瞑目非是不憐吳

鵬鶚生難敵沉檀死更香兒童喧巷市羸老哭碑堂鴈

起沙汀間雲連海氣黃祝融峰上月幾照北人喪

迴鴈峰前鴈春迴盡却迴聯行四人去同葬一人來鏡  
吹臨江返城池隔霧開滿船深夜哭風棹楚猿哀

杜預春秋癖楊雄著述精在時兼不語終古定歸名未  
水波文細湘江竹葉輕平生思風月潛寐若為情

僧如展及韋載同遊碧澗寺各賦詩予落句云

他生莫忘靈山座滿壁人名後會稀展共吟他  
生之句因話釋氏緣會所以莫不悽然久之不

十日而展公長逝驚悼返覆則他生豈有兆耶  
其間展公仍賦黃字五十韻飛札相示予方屬  
和未畢自此不復撰成徒以四韻為識

重吟前日他生句豈料踰旬便隔生會擬一來身塔下  
無因共繞寺廊行紫毫飛札看猶濕黃字新詩和未成  
縱使得如羊叔子不聞兼記舊交情

公安縣遠安寺水亭見展公題壁漂然淚流因  
書四韻

碧澗去年會與師三兩人今來見題壁師已是前身  
葉迎僧夏楊花度俗春空將數行淚灑徧塔中塵

寒食日毛空路示姪晦及從簡

我昔孩提從我兄我今衰白爾初成分明寄取原頭路

百世長湏此路行

寄取一作記取

別孫村老人

寒食日

年年漸覺老人稀欲別孫翁淚滿衣未死不知何處去  
此身終向此原歸

和樂天劉家花

閒坊靜曲同消日  
淚草傷花不為春  
偏問舊交零落盡  
十人纔有兩三人

襄城驛二首

容州詩句在襄城  
幾度經過眼暫明  
今日重看滿衫淚  
可憐名字已前生

憶昔萬株梨映竹  
遇逢黃令醉殘春  
梨枯竹盡黃令死

今日再一作來哀病身

和樂天夢亡友劉太白同遊二首

君詩昨日到通州萬里知君一夢劉閑坐思量小來事  
祇應元是夢中遊

老來東郡復西州行處生塵為喪劉縱使劉君魂魄在  
也應至死不同遊

酬樂天見憶兼傷仲遠

死別重泉閔生離萬里賒瘴侵新病骨夢到故人家遙  
淚陳根草閒收落地花庾公樓帳望巴子國生涯河任




天然曲江隨峽勢斜與君皆直慙須分老泥

一作沙

與樂天同葬杓直

元伯來相葬山濤普撫孤不知他日事兼得似君無



御定全唐詩卷四百三

欽定四庫全書

集部  
御定全唐詩卷四百  
四十五

詳校官庶吉士<sub>臣</sub>胡鈺

主事銜<sub>臣</sub>徐以坤覆勘

總校官知縣<sub>臣</sub>繆琪

校對官學正<sub>臣</sub>李巖

謄錄監生<sub>臣</sub>李維翰

欽定四庫全書

御定全唐詩卷四百四

元稹

夜閒

此後並悼亡

感極都無夢魂銷轉易驚風簾半鈎落秋月滿床明悵  
望臨階坐沉吟遶樹行孤琴在幽匣時迸斷弦聲

感小株夜合

纖幹未盈把高條纔過眉不禁風苦動偏受露先萎不

分秋同盡深嗟小便衰傷心落殘葉猶識合昏期

醉醒

積善坊中前度飲謝家諸婢笑扶行今宵還似當時醉  
半夜覺來聞哭聲

追昔遊

謝傳堂前音樂和狗兒吹笛膽娘歌花園欲盛千場飲  
水閣初成百度過醉摘櫻桃投小玉嬾梳叢鬢舞曹婆  
再來門館惟相弔風落秋池紅葉多

空屋題

十月十四日夜

朝從空屋裏騎馬入空臺  
盡日推閒事還歸空屋來  
月明穿暗隙燈盡落殘灰  
更想咸陽道魂車昨夜回

初寒夜寄廬子蒙

月是陰秋鏡寒為寐  
冥資輕寒酒醒後  
斜月枕前時倚壁  
思閒事回燈檢舊詩  
聞君亦同病終夜遠相悲

城外回謝子蒙見諭

十里撫柩別一身騎馬回  
寒煙半堂影爐火滿庭灰  
稚

女憑人問病夫空自哀潘安寄新詠仍是夜深來

諭子蒙

撫稚君休感無兒我不傷片雲離岫遠雙鷺念巢忙大  
壑誰非水華星各自光但令長有酒何必謝家莊

遣悲懷三首

謝公最小偏憐女嫁與黔婁百事乖顧我無衣搜畫篋  
泥他沽酒拔金釵野蔬充膳甘長藿落葉添薪仰古槐  
今日俸錢過十萬與君營奠復營齋

畫篋一作畫篋

昔日戲言身後意今朝皆到眼前來衣裳已施行看盡  
針線猶存未忍開尚想舊情憐婢僕也曾因夢送錢財  
誠知此恨人人有貧賤夫妻百事哀

閒坐悲君亦自悲百年都是幾多時  
鄧攸無子尋知命潘岳悼亡猶費詞  
同穴窅冥何所望他生緣會更難期  
唯將終夜長開眼報答平生未展眉

### 旅眠

內外都無隔帷屏不復張夜眠兼客坐同在火爐床

除夜

憶昔歲除夜見君花燭前  
今宵祝文上重疊叙新年  
閒處低聲哭空堂背月眠  
傷心小兒女撩亂火堆邊

感夢

行吟坐歎知何極  
影絕魂銷動隔年  
今夜商山館中夢  
分明同在後堂前

合衣寢

良夕背燈坐方成  
合衣寢酒醉夜未闌  
幾回顛倒枕



竹簾

竹簾襯重茵未忍都令卷憶昨初來日看君自施展

聽庾及之彈烏夜啼引

君彈烏夜啼我傳樂府解

去聲

古題良人在獄妻在閨官

家欲赦烏報妻烏前再拜淚如雨烏作哀聲妻暗語後  
人寫出烏啼引吳調哀弦聲楚楚四五年前作拾遺諫  
書不密丞相知謫官詔下吏驅遣身作囚拘妻在遠歸  
來相見淚如珠唯說閒宵長拜烏君來到舍是烏力粧

點烏盤邀女巫今君為我千萬彈烏啼啄啄淚瀾瀾感  
君此曲有深意昨日烏啼桐葉墜當時為我賽烏人死  
葬咸陽原上地

夢井

夢上高高原原上有深井登高意枯渴願見深泉冷  
裊回遶井顧自照泉中影沉浮落井瓶井上無懸綆念此  
瓶欲沉荒忙為求請遍入原上村村空犬仍猛還來遶  
井哭哭聲通復哽哽噎夢忽驚覺來房舍靜燈燭碧隴

隴淚光凝同同鐘聲夜方半坐卧心難整忽憶咸陽原  
荒田萬餘頃土厚壙亦深埋魂在深埂埂深安可越魂  
通有時逞今宵泉下人化作瓶相憬感此涕汎瀾汎瀾  
涕霑頷所傷覺夢間便覺死生境豈無同穴期生期諒  
綿永又恐前後魂安能兩知省尋環意無極坐見天將  
暝吟此夢并詩春朝好光景

江陵三夢

平生每相夢不省兩相知况乃幽明隔夢魂徒爾為情

知夢無益非夢見何期今夕亦何夕夢君相見時依稀  
舊粧服暗淡昔容儀不道間生死但言將別離分張碎  
針線襦疊故憚帋撫稚再三囑淚珠千萬垂囑云唯此  
女自歎總無兒尚念嬌且騃未禁寒與飢君復不憺事  
奉身猶脫遺況有官縛束安能長顧私他人生間別婢  
僕多謾欺君在或有託出門當付誰言罷泣幽噎我亦  
涕淋漓驚悲忽然寤坐臥若狂癡月影半床黑蟲聲幽  
草移心魂生次第覺夢久自疑寂默深想像淚下如流

逝百年永已訣一夢何太悲悲君所嬌女棄置不我隨  
長安遠於日山川雲間之縱我生羽翼網羅生繫維今  
宵淚零落半為生別滋感君下泉魄動我臨川思一水  
不可越黃泉况無涯此懷何由極此夢何由追坐見天  
欲曙江風吟樹枝

古原三丈穴深葬一枝瓊崩剝山門壞煙綿墳草生久  
依荒隴坐却望遠村行驚覺滿床月風波江上聲

君骨久為土我心長似灰百年何處盡三夜夢中來逝

水良已矣行雲安在哉坐看朝日出衆鳥雙裴回

張舊蚊幃

踰年間生死千里曠南北家居無見期况乃異鄉國破  
盡裁縫衣忘收遺翰墨獨有縑紗幃憑人遠携得施張  
合歡榻展卷雙鴛翼已矣長空虛依然舊顏色裴回將  
就寢徙倚情何極昔透香田田今無魂惻惻隙穿斜月  
照燈背空床黑達理強開懷夢啼還過臆平生貧寡歡  
天枉勞苦憶我亦距幾時胡為自摧逼燭蛾焰中舞蠶

蠶叢上織焦爛各自求他人顧何力多離因苟合惡影  
當務息往事勿復言將來幸前識

獨夜傷懷贈呈張侍御

張生近喪妻

燼火孤星滅殘燈寸焰明竹風吹面冷簷雪墜階聲寡  
鶴連天叫寒雛徹夜驚祗應張侍御潛會我心情

六年春遣懷八首

傷禽我是籠中鶴沉劍君為泉下龍重續猶存孤枕在  
春衫無復舊裁縫

檢得舊書三四紙高低濶狹粗

一作但

成行自言併食尋

高事唯念山深驛路長

公無渡河音響絕已隔前春復去秋今日閒窗拂塵土

殘弦猶迸鈿

一作細

篴篴

婢僕曬君餘服用嬌癡稚女遶床行玉梳鈿朶香膠解  
盡日風吹瑇瑁箏

伴客銷愁長日飲偶然乘興便醺醺怪來醒後傍人泣  
醉裏時時錯問君



我隨楚澤波中梗

一作水

君作咸陽泉下泥  
百事無心值

寒食身將稚女帳前啼

童稚癡狂撩亂走繡毬  
花仗滿堂前病身一到總帷下  
還向臨階背日眠

小於潘岳頭先白  
學取莊周淚莫多  
止竟悲君須自省  
川流前後各風波

答友封見贈

荀令香銷潘簾空  
悼亡詩滿舊屏風  
扶床小女君先識

應為些些似外翁

夢成之

燭暗船風獨夢驚  
夢君頻問向南行  
覺來不語到明坐  
一夜洞庭湖水聲

哭小女降真

雨點輕漚風復驚  
偶來何事去何情  
浮生未到無生地  
暫到人間又一生

哭女樊

秋天淨綠月分明何事巴猿不賸鳴應是一聲腸斷去  
不容啼到第三聲

哭女樊四十韻

號州長史時作

逝者何由見中人未達情馬無生角望猿有斷腸鳴去  
伴投遐徼來隨夢險程四年巴養育萬里硤回縈病是  
他鄉染魂應遠處驚山魘邪亂一作去逼沙風毒潛嬰母

約一作幼看寧辨余慵療不精欲尋方次第俄值疾充盈

燈火徒相守香花祇浪擎蓮初開月梵薜已落朝榮魄

散雲

一作魂

將盡形金玉尚瑩空垂兩行血深送一枝瓊

祕祝休巫覡安眠放使令舊衣和篋施殘藥滿甌傾乳

媼閒於社醫僧媼

一作媼

似醒憫渠身覺賸

一作深覺瘠  
一作瘠

訝佛力難爭騎竹癡猶子牽車小外甥等長

一作閒

迷過

影遙戲誤啼聲浣紙傷餘畫扶床念試行獨留呵面鏡

誰弄倚牆箏憶昨工言語憐初妙長成撩風妬

一作妬

鸚

舌凌露

一作霜

觸蘭英翠鳳興真女紅蕖捧化生抵憂嬌

五濁終恐向三清宿惡諸葷味懸知衆物名

生而不食  
葷血虎豹

猓猿等皮毛盡惡斥之巴南所無之物及北而默識其名者數輩

環從枯樹得經認寶

函盛愠怒偏憎數分張雅愛平最憐

一作矜

貧粟妹頻救

嬾書兄為占嬌饒分良多春戀誠別常回面泣歸定出

門迎解怪還家晚長將遠信呈說人偷罪過要我抱縱

橫騰蹋遊江舫攀緣看樂棚和蠻歌字拘學妓舞腰輕

迢遞離荒服提

一作持

携到近京未容誇伎倆唯恨枉聰

明往緒心千結新絲鬢百莖暗窗風報曉秋幌雨聞更

敗槿蕭疎館衰楊破壞城此中臨老淚仍自哭孩嬰

哭子十首

翰林學士時作

維鵜受刺因吾過得馬生災念爾冤獨在中庭倚閒樹  
亂蟬嘶噪欲黃昏

纔能辨別東西位未解分明管帶身自食自眠猶未得  
九重泉路託一作記何人

爾母溺情連夜哭我身因事有時悲鐘聲欲絕東方動  
便是尋常上學時

蓮花上品生真界兜率天中離世途彼此業緣多障礙

不知還得見兒無

節量梨栗愁生疾教示詩書望早成鞭扑校多憐校少  
又緣遺恨哭三聲

深嗟爾更無兄弟自歎子應絕子孫寂寞講堂基址在  
何人車馬入高門

往年鬢已同潘岳垂老年教作鄧攸煩惱數中除一事

自茲無復子孫憂

年教一作天教

長年苦境知何限豈得因兒獨喪明消遣又來緣爾母

夜深和淚有經聲

又一作不

烏生八子今無七  
猿叫三聲月正孤  
寂寞空堂天欲曙  
拂簾雙燕引新雛

頻頻子落長江水  
夜夜巢邊舊處棲  
若是愁腸終不斷  
一年添得一聲啼

感逝

浙東

頭白夫妻分無子  
誰令蘭夢感衰翁  
三聲啼婦臥床上  
一寸斷腸埋土中  
蜩甲暗枯秋葉墜  
燕雛新去夜巢空



情知此恨人皆有應與暮年心不同

妻滿月日相唁

十月辛勤一月悲今朝相見淚淋漓  
狂風落盡莫惆悵猶勝因花壓折枝

御定全唐詩卷四百四

欽定四庫全書

御定全唐詩卷四百五

元稹

代曲江老人百韻

年十六時作

何事花前泣  
曾逢舊日春  
先皇初在鎬  
賤子正遊秦  
撥亂干戈後  
經文禮樂辰  
徽章懸象魏  
貌虎畫麒麟  
光武休言戰  
唐堯念睦姻  
琳琅鋪柱礎  
葛藟茂河漣  
尚齒惇耆艾  
搜材拔積薪  
裴王持藻鏡  
姚宋幹陶鈞  
內史稱張

敞蒼生借冠恂名卿唯講德命士恥憂貧杞梓無遺用

芻蕘不忘詢懸金收逸驥鼓瑟薦嘉賓羽翼皆隨鳳圭

璋

一作璠璣

肯雜

一作稱

珉班行容濟濟文質道彬彬百度依

皇極千門闢紫宸措

一作理

刑非苟簡稽古蹈因循書謬

偏求伏詩亡遠聽申雄推

一作繼登

三虎賈羣擢八龍荀海

外恩方洽寰中教不泯儒林精閭奧流品重清淳

一作儒林

一同異冠履盡清淳

天淨三光麗時和四序均卑官休力役蠲賦

免

一作職少賤

艱辛蠻貊同車軌鄉原盡里仁帝途高蕩蕩

風俗厚閭閻

一作  
怏怏暇一作  
秋

日耕耘足豐年雨露頻戍煙

生不見村豎老猶純耒耜勤千畝牲牢奉六禋南郊禮

天地東野闢原畝校獵求初吉先農卜上寅萬方來合

雜五色瑞輪囷池籩呈朱鴈壇場得白麟酌金光照耀

奠璧綵璘玕掉蕩雲門發踰躑鷺羽振集靈撞玉磬和

鼓奏金鎗建簾崇牙盛銜鐘獸目嗔總干形屹岿戛敵

背嶙峋文物千官會夷音九部陳魚龍華外戲歌舞洛

中嬪佳節修酺禮非時宴侍臣梨園明月夜花萼豔陽

晨李杜詩篇敵蘇張筆力勻樂章輕鮑照碑板笑顏竣  
泰嶽陪封禪汾陰頌鬼神星移逐西顧風暖助東巡浴  
德留湯谷蒐畋過渭濱沸天雷殷殷匝地轂轳鱗沃土  
心逾熾豪家禮漸湮老農羞荷鍤貪賈學垂紳曲藝爭  
工巧彫機變組紉青鳬連不解紅粟朽相因山澤長孳  
貨梯航競獻珍翠毛開越雋龍眼弊一作敬甌閩玉饌薪  
然蠟椒房燭用銀銅山供橫賜金屋貯宜嘯班女恩移  
趙思王賦感甄輝光隨顧步生死屬搖脣世族功勲久

王姬寵愛親街衢連甲第冠蓋擁朱輪大道垂珠箔當  
壚踏錦茵軒車隘南陌鐘磬滿西鄰出入張公子驕奢  
石季倫雞場潛介羽馬埒並揚塵韜袖誇狐腋弓弦尚  
鹿臙紫絛牽白犬繡韉被一作錦韉覆花駟箭倒南山虎鷹

擒東郭銳翻身迎過鴈劈肘

一作坐射

取迴鶻竟蓄朱公產

爭藏邴氏緡橋挑矜馬驚倚頓數牛犇

一作金銀

蓋鬪冬中

韭羹憐遠處萼萬錢纔下筯五醎

一作醎

未稱醇曲水閒

銷

一作流觴

日倡樓

一作優

醉度旬探丸依郭解投轄伴陳遵

共謂長之一

一作安

泰那知遽構屯姦心興桀黠凶醜比頑

囂斗柄侵妖彗天泉化逆鱗背

一作貸

恩欺

一作歎

乃祖連

禍及吾民獯貊當前路鯨鯢得要津王師纔

一作方

業業

暴卒已瞽瞍雜虜同謀夏宗周暫去幽陵園深暮景霜

露下秋旻鳳闕悲巢鵬鵠行亂野麋華林荒茂草寒竹

碎貞筠村落空垣壞城隍舊井堙破船沉古渡戰鬼聚

陰燐振臂誰相應攢眉獨不伸毀容懷赤紱混跡戴黃

巾木梗隨波蕩桃源數隱淪弟兄書信斷鷗鷺往來馴



忽遇山光澈遙瞻海氣真祕圖推廢王後聖合經綸野  
杏渾休植幽蘭不復紉但驚心憤憤誰戀水粼粼盡室  
離深洞輕撓盪小舩殷勤題白石悵望出青蘋夢寐平  
生在經過處所新阮郎迷里巷遼鶴記城闌虛過休明  
代旋為朽病身勞生常矻矻語舊苦諄諄晚歲多衰柳  
先秋媿大椿眼前年少客無復昔時人

開元觀閒居酬吳士矩侍御三十韻

中有問行  
藏求藥物

之句  
八時作

靜習狂心盡幽居道氣添神編啓黃簡祕籙捧朱籤爛

漫煙霞駐優游歲序淹登壇擁旄節趨殿禮胡髯

殿有明皇

真容醮起彤庭燭香開白玉匳結盟金劔重新魁寶刀銘

禹步星綱動焚符竈鬼詹冥搜呼直使章奏役飛廉仙

籍聊憑檢浮名復為占赤誠祈皓鶴綠髮代青縑虛室

常懷素玄闕屢引枯貂蟬徒自寵鷗鷺不相嫌始悟身

為患唯欣祿未恬

一作沾

龜龍戀淮海雞犬傍閭閻松笠

新偏翠山峰遠更尖簫聲吟茂竹虹影逗虛簷初日先

通牖輕颺每透簾露盤朝滴滴鉤月夜纖纖已得餐霞  
味應嗤食蓼甜工琴閑度晝耽酒醉銷炎几案隨宜設  
詩書逐便拈灌園多抱甕刈藿乍腰鎌野鳥終難繫鵲  
鵲本易厭風高雲遠逝波駭鯉深潜邸第過從隔蓮壺  
夢寐瞻所希顏頗練誰恨突無黔思拙慙圭璧詞繁雜  
米鹽諭雖言太小求藥意何謙

來詩有永慙沾藥  
犬多謝出囊雖

語默

君休問行藏我詎兼狂歌終此曲情盡口長箱

病減逢春期白二十二辛大不至十韻

校書郎  
時作

病與窮陰退春從血氣生寒膚漸舒展陽脉乍虛盈就  
日臨堦坐扶牀履地行問人知面瘦祝烏願身輕風暖  
牽詩興時新變賣聲饑饉看藥忌閒悶點書名舊雪依  
深竹微和動早萌推遷悲往事疎數辨交情琴待嵇中  
散杯思阮步兵世間除却病何者不營營

黃明府詩

并序

小年曾於解縣連月飲酒予常為觥錄事曾於寶  
少府廳中有一人後至頻犯語令連飛十二觥不

勝其困逃席而去醒後問人前虞鄉黃丞也此後  
絕不復知元和四年三月予奉使東川十六日至  
褒城東數里遙望驛亭前有大池樓榭甚盛逡巡  
有黃明府見迎瞻其形容髣髴似識問其前銜即  
曩時之無一作日逃席黃丞也說向前事黃生惘

然而寤因饋酒一槽艤舟請予同載予不免一作連

其意與之盡歡徧問座隅山川則曰又褒次其右

紀事作徧問褒陽山水則褒如所奔感今懷古作之城在其左諸葛所征之路在其右

黃明府詩云

少年曾痛飲黃令苦飛觥席上當時走馬前今日迎依  
稀迷姓氏積漸識平生故友身皆遠他鄉眼暫明便邀  
連榻坐兼共榜船行酒思臨風亂霜稜埽一作拂地平不

堪深淺酌貪愴古今情邈迤七盤路坡陀數丈城花疑

褒女笑棧想武侯征一種埋幽石老閒紀事作空閒千載名

酬翰林白學士代書一百韻

并序此後  
江陵時作

玄元氏之下元日會予家居至枉樂天代書詩一

百韻鴻洞卓犖令人興起心情且置別書美予前  
和七章章次用本韻韻同意殊謂為工巧前古韻  
耳不足難之今復次排百韻以答懷思之貺云

昔歲俱充賦同年遇有司八人稱迴拔兩郡濫相知

同年

八人樂天拔萃登科予平判入等

逸驥初翻步羈鷹暫脫羈遠途憂地

窄高視覺天卑並入紅蘭署偏親白玉規近朱憐冉冉  
伐木願惇惇魚魯非難識鉛黃自嬾持心輕馬融帳謀  
奪子房帷秀發幽巖電清澄隘岸陂九霄排直上萬里

整前期勇贈棲鸞句慙當古井詩

予贈樂天詩云皎彼鸞鳳姿樂天贈予詩

云無波古井水

多聞全受益擇善頗相師脫俗殊常調潛工大

有為還醇憑酎酒運智託圍碁情會招車徇門行覓戴

逵僧餐月燈閣釀宴劫灰池

予與樂天杓直拒非輩多於月燈閣門遊又嘗與秘

省同官釀宴昆明池

勝槩爭先到篇章競出奇輸贏論破的點竄

肯容絲山岫當街翠牆花拂面枝

昔予賦詩云為見牆頭拂面花時唯樂天

此知

鶯聲愛嬌小燕翼翫逶迤轡為逢車緩鞭綠趁伴施

密攜長上樂偷宿靜坊姬僻性慵朝起新晴助晚嬉相



歡常滿目別處鮮開眉翰墨題名盡光陰聽話移

樂天每與

予游從無不書名屋壁又嘗於新昌宅說一枝花話自寅至巳猶未畢詞也

綠袍因醉典烏

帽逆風遺暗插輕籌箸仍提小屈卮

予有箴箕草籌勛小蓋酒胡之輩當

時嘗在書囊以供飲備

本絃纔一舉下口已三遲逃席衝門出歸

倡借

去聲

馬騎狂歌繁節亂醉舞半衫垂散漫紛長薄邀

遮守隘岐幾遭朝士笑兼任巷童隨苟務形骸達渾將

性命推何曾愛官序不省計家資忽悟成虛擲翻然歎

未宜使回耽樂事堅赴策賢時寢食都忘倦園廬遂絕

闕勞神甘感感攻短過孜孜葉怯穿楊箭囊藏透穎雖  
超遙望雲雨擺落占泉坻略削荒涼苑搜求激直詞那

能作牛後更擬助洪基

舊說制策皆以惡計取容為美予與樂天指病危言不顧成敗

意在決求高等初就業時今裴相公戒予慎勿以策苑為美予深佩其言然而怪其多大擬取有可取遂切求潛覽功及累月無所獲先是穆員盧景亮同年應制俱以詞直見黜予求獲其策皆手自寫之置在篋篋樂天損之輩常詛予篋中有不第之祥而又哂予決求高第之僭也唱第聽雞集趨朝忘馬

疲內人輿御案朝景麗神旗首被呼名姓多慙冠等衰  
千官容眷盼五色照離披鵷侶從茲洽鷗情轉自縻分

張殊品命中外却驅馳出入稱金籍東西侍碧墀鬪班  
雲沟湧開扇雉參差切愧尋常質親瞻咫尺姿日輪光  
照耀龍服瑞歲蕤誓欲通愚謬生憎效喔咿佞存真妾  
婦諫死是男兒便殿承偏召權臣懼撓私廟堂雖稷契  
城社有狐狸似錦言應巧如弦數易欺敢嗟身暫黜所  
恨政無毗予元和元年任拾遺八十三日  
延英對九月十三日  
貶授河南尉謬辱良由此  
昇騰亦在斯再令陪憲禁依舊履陪危使蜀常綿遠分  
臺更嶮巖匿姦勞發掘破黨惡持疑斧刃迎皆碎盤牙

老未姜乍能還帝笏詎忍折音吾支虎尾元來險圭文

却類疵浮榮齊壤芥閒氣詠江離闕下殷勤拜樽前嘯

傲辭飄沈委蓬梗忠信敵蠻夷戲誚青雲驛譏題皓髮

祠

予途中作青雲驛詩病其雲泥一  
致作四皓廟詩譏其出處不常

貪過谷隱寺留讀

峴山碑

寺在亭側

草沒章臺隄隄橫楚澤湄野蓮侵稻隴亞

柳壓城陴遇物傷凋換登樓思漫瀾金攢嫩橙子鑿泛

遠鷗鷁仰竹藤纏屋苦茆荻補籬

南人以大竹為瓦用荻為籬也

麪梨

通帶朽火米帶芒炊

麪梨軟爛無味  
火米粗糲不精

葦筍鉞筒束鰕魚

箭羽簪芊蕤真底可鱸膾漫勞思北渚銷魂望南風著

骨吹度梅衣色漬食稗馬蹄羸

南方衣服經夏謂之度梅顏色盡點馬食菰蔣

蓋北地稗之屬

院榷和泥鹼官酤小麴醅訛音煩繳繞輕去聲

俗醜威儀樹罕貞心柏畦豐衛足葵坳窪饒廔矮游隋

壓庸緇病賽烏稱鬼巫占瓦代龜

南人染病競賽烏鬼楚巫列肆悉賣瓦卜

連陰蠅張王瘡瘡雪治醫

雨中井作蛙池終冬往往無雪

我正窮於是

君寧念及茲一篇從日下雙鯉送天涯坐捧迷前席行

吟忘結綦匡床鋪錯繡几案踴靈芝形影同初合參商

喻此離扇因秋棄置鏡異月盈虧壯志誠難奪良辰豈

復追甯牛終夜永潘鬢去年衰

予今年始三十二  
去歲已生白髮

溟渤

深那測穹蒼意在誰馭方輕騷裏車肯重辛夷卧轍希  
濡沫低顏受顙頤世情焉足怪自省固堪悲溷鼠虛求  
潔籠禽方訝饑猶勝憶黃犬幸得早圖之

御定全唐詩卷四百五

欽定四庫全書

御定全唐詩卷四百六

元稹

紀懷贈李六戶曹崔二十功曹五十韻

昔冠諸生首初因三道徵公卿碧墀

一作雞

會名姓白麻

稱日月光遙射煙霄志漸弘榮班聯錦繡諫紙

一作賜路

牋藤便欲

一作務

呈肝膽何言犯股肱椎埋衝斗劍消碎

瑩壺冰赤縣纔分務青驄已迴乘因騎度海鶻擬殺蔽

天鵬縛虎聲空壯，連鰲力未勝。風翻波竟蹙，山壓勢逾崩。  
僂辱徒相困，蒼黃性不能。酣歌離峴頂，負氣入江陵。  
華表當蟾魄，高樓挂玉繩。角聲悲掉蕩，城影暗稜層。  
軍幕威容盛，官曹禮數兢。心雖出雲鶴，身尚觸籠鷹。  
竦足良甘分，排衙苦未曾。通名參將校，抵掌見親朋。  
煦沫求涓滴，滄波怯斗升。荒居鄰鬼魅，羸馬步殘殘。  
白草堂簷短，黃梅雨氣蒸。霑經汗席颭，閃盡油燈夜。  
怯餐膚蚋朝，煩拂面蠅過。從愁厭賤專，靜畏猜仍旅。  
寓誰堪託官。



聯自可憑甲科崔並驚柱史李齊昇共展排空翼俱遭  
激遠矧他鄉元易感同病轉相矜投分多然諾忘言少  
愛憎誓將探肺腑恥更辨淄澠會宿形骸遠論交意氣  
增一心吞渤澥戮力拔嵩恒語到磨主角疑消破弩癥  
吹噓期指掌患難許擔簦鍛翮鸞棲棘藏鋒箭在弮雪  
中方覩桂木上莫施罾且泛黃公水兼過被病僧有時  
鞭款段盡日醉僂僂躡屐看秧稻敲船和採菱叉魚江  
火合喚客谷神應嘯傲雖開口幽憂復滿膺望雲鰭撥

刺透匣色騰凌每想潢池寇猶稽赤族懲夔龍勞算畫  
貌虎帶威稜逐鳥忠潛奮懸旌意遠凝弣弓思徹札紆  
驥悶牽絙運甕調辛苦聞雞屢寢興間隨人兀兀夢聽  
鼓鑿鑿班筆行看擲黃陂莫漫澄騏驎高閣上須及壯  
時登

答姨兄胡靈之見寄五十韻

并序

九歲解賦詩飲酒至斗餘乃醉時方依倚舅族舅  
憐不以禮數檢故得與姨兄胡靈之之輩十數人

為晝夜遊日月跳擲於今餘二十年矣其間悲歡  
合散可勝道哉昨枉是篇感徹肌骨適白翰林又  
以百韻見貽余因次酬本韻以答貫珠之贈焉於  
吾兄不敢變例復自城至生凡次五十一字靈之  
本題兼呈李六侍御是以篇末有云

憶昔鳳翔城韶年是事榮理家煩伯舅相宅盡

茲引反吾

兄詩律蒙親授朋遊忝自迎頭筠管縵教射角弓驛

靈之善筆  
札習騎射

矮馬駝髮簪聲

音

牛獸面纓對談依赳赳送

客步盈盈米腕諸賢讓蠡杯  
大户傾一船席外語三榼  
拍心精傳盞加分數橫波擲  
目成華奴歌浙浙媚子舞

卿卿

軍大夫張生好屬詞多妓樂歌者華奴善歌浙浙  
鹽又有舞者媚子每觥令禁言張生常令相挽

鬪設狂為好誰憂飲敗名屠過隱  
朱亥樓夢古秦嬴

弄玉

樓在鳳翔  
城北角

環坐唯便草投盤暫廢觥  
春郊纔爛漫夕鼓

已砢轟荏苒移灰琯喧聞勸塞兵  
糟漿聞漸足書劍訝  
無成抵壁慙虛棄彈珠覺用輕  
遂籠雲際鶴來狎谷中  
鶯學問攻方苦篇章興太清  
囊疎螢易透錐鈍股多坑

筆陣戈矛合文房棟桷撐豆萁才敏雋羽獵正崢嶸岐

下尋時別京師觸處行醉眠街北廟閒繞宅南營

予宅在靖

安北街靈之時寓居永樂南街廟中予宅又南鄰弩營

柳愛凌寒軟梅憐上番驚

紀事作玉雪輕

觀松青黛笠欄藥紫霞英

開元觀古松五株靖安宅牡丹數本皆叢

時遊行之地

盡日聽僧講通宵詠月明正耽幽趣樂旋被宦

途縈吏晉資材枉留秦歲序更

時靈之作吏平陽予我酬校秘閣自茲分散

髯鬢數寸君髮白千莖芸閣懷鉛暇姑峰帶雪晴何由

身倚玉空覩翰飛瓊世道難於劍讒言巧似笙但憎心

可轉不解跼如擎始効神羊觸俄隨旅鴈征孤芳安可

駐五鼎幾時烹燎倒沉泥滓歎危踐矯衛登樓王粲望

落帽孟嘉情

龍山落帽臺去府城二十里

巫峽連天水章臺塞路荆

章華臺去府十里

雨摧漁火燄風引竹枝聲分作屯之蹇那知

困亦亨官曹三語掾國器萬尋楨

此後多述李君定交之由用報靈之兼呈

意之逸傑雄姿迴皇王雅論評蕙依潜可習雲合定誰令

原燎逢冰井鴻流值木罌智囊推有在勇爵敢徒爭迅

拔看鵬舉高音侍鶴鳴所期人拭目焉肯自佯盲鉛鈍

丁寧淬蕪荒展轉耕窮通須豹變櫻搏笑狼獾媿捧芝  
蘭贈還披肺腑呈此生如未死未擬變平生

一本云今日負平生

酬許五康佐

次用本韻

奮迅君何晚羈離我詎儔鶴籠閒警露鷹縛悶牽韝蓬  
閣深沉省荆門遠慢州課書同吏職旅宦各鄉愁白日  
傷心過滄江滿眼流嘶風悲代馬喘月伴吳牛枯涸方  
窮轍生涯不繫舟猿啼三峽雨蟬報兩京秋珠玉慙新  
贈芝蘭忝舊游他年問狂客須向老農求

送崔侍御之嶺南二十韻并序

古朋友別皆贈以言況南方物候飲食與北土異其甚者夷民喜聚蠱祕方云以含銀變黑為驗攻之重雄黃海物多肥腥啖之好嘔泄驗方云備之在鹹食嶺外饒野菌視之蟲蠹者無毒羅浮生異果察其鳥啄者可餐大抵珠璣瑋琬之所聚貴潔廉湮鬱暑濕之所蒸避溢愆其餘道途所慎離愴之懷盡之二百言矣叙不復云



漢法戎施幕秦官郡置監蕭何歸舊印

自江陵士曹拜

鮑永授

新銜幣聘雖盈篋泥章未破緘蛛懸絲繚繞鵲報語訖

誦再礪神羊角重開憲簡函

崔君前任已為御史

鞶纓馳赴赴綏

珮繡繆繆逸翮憐鴻翥離心覺刃劉聯游虧片玉洞照

失明鑒遙想車登嶺那無淚滿衫茅蒸連蟬氣衣漬度

梅黠象鬪緣谿竹猿鳴

一作啼

帶雨杉颶風狂浩浩韶石

峻嶰嶰宿浦宜深泊析瀧在至誠瘴江乘

一作期

早度毒

草莫親艾試蠱看銀黑排腥貴食鹹菌須蟲已蠹菓重

鳥先鵲冰瑩懷貪水霜清顧一作痛巖珠璣當盡擲蕙

政詎能讒荆俗欺王粲吾生問季咸遠書多不達勤為

枉攖攖

酬段丞與諸綦流會宿弊居見贈二十四韻次

韻本

鳴局寧虛日間窗任廢時琴一作詩書甘盡棄園井詎能

窺運石疑填海爭籌憶坐帷赤心方苦鬪紅燭已先施

蛇勢縈山合鴻聯度嶺遲堂堂排直陣袞袞逼羸師懸

劫偏深猛回征特險巖  
攻百道進死戰萬般為異日  
玄黃隊今宵黑白碁斫營看迴點對壘重相持善敗雖  
稱怯驕盈最易欺狼牙當必碎虎口禍難移乘勝同三  
捷扶顛望一詞一作希因送目便敢恃指縱奇退引防  
邊策雄吟斬將詩眠牀都浪置通夕共忘疲曉雉風傳  
角寒藜雪壓枝繁星收玉版殘月耀冰池僧請聞鐘粥  
賓催下藥卮獸炎餘炭在蠟淚短光衰俛仰嗟陳跡殷  
勤卜後期公私牽去住車馬各支離分作終身癖兼從

是事隳此中無限興唯怕俗人知

酬竇校書二十韻

次本韻

鷗鷺元相得杯觴每共傳芳遊春爛漫晴望月團圓調

笑風流劇論文屬對全賞

一作詠

花珠並綴看雪壁常連

竹寺荒唯好松齋小更憐潛投孟公轄狂乞莫愁錢塵

土拋書卷槍籌筭酒權令誇齊箭道力鬪抹弓弦但喜

添樽滿誰憂乏桂然漸輕身外役渾證飲中禪及我辭

雲陞逢君仕圃田音徽千里斷魂夢兩情偏足聽猿啼

雨深藏馬腹鞭官醪半清濁夷饌雜腥膻顧影無依倚  
甘心守靜專那知暮江上俱會落英前款曲生平在悲  
涼歲序遷鶴方同北渚鴻又過南天麗句慙虛擲沉機  
嬾強牽粗酬珍重意工拙定相懸

泛江翫月十二韻

并序

予以元和五年自監察御史貶授江陵士曹掾六  
月十四日張季友李景儉二侍御王文仲司錄王  
衆仲判官兩昆季為予載酒炙選聲音自府城之

南橋

一作淮

乘

一作攀

月泛舟窮竟一夕予因賦詩以

紀之

楚塞分形勢羊公壓大邦因依

一作朋儕

多士子參畫

一作量

盡敦龐岳壁間相對荀龍自有雙共將船載酒

一作繫泊

同

泛

一作是

月臨江遠樹懸金鏡深潭倒玉幢委波添淨練

洞照滅凝缸聞咽沙頭市璫瓏竹岸窗巴童唱巫峽海

客話神瀧已困連飛蓋猶催未倒缸飲荒情爛漫風棹

樂崢嶸勝事他年憶

一作畫

愁

一作雄

心此夜降知君皆逸

韻湏為應筵撞

疔卧聞幕中諸公徵樂會飲因有戲呈三十韻  
落因寒甚沉陰與病偕藥囊堆小案書卷塞空齋  
腹看成鼓羸形漸比柴道情憂易適溫瘴氣難排  
治疔扶輕杖開門立靜街耳鳴疑暮角眼暗助昏  
霾野竹連荒草平陂接斷崖坐隅甘對鵬當路恐  
遭豺蛇蠱迷弓影鵬翎落箭敦晚籬喧鬪雀殘菊  
半枯荻悵望悲回鴈依遲傷古槐一生長苦節三  
省詎行怪奔北翻成勇司

南却是閭閻蒼真漠漠風雨漫喈喈彼美猶谿女其誰

占館娃誠知通有日太極浩無涯布卦求无妄祈天願

孔皆藏衰謀計拙地僻往還乖況羨蓮花侶方欣綺席

諧鈿車迎妓樂銀翰屈朋儕白紵輦歌黛同蹄墜舞釵

白紵同蹄皆樂人姓名

織身霞出海豔臉月臨淮籌箸隨宜放投

盤止罰唯紅娘留醉打觥使及醒差

舞引紅娘拋打曲名酒中觥使席上

右職顧我潛孤憤何人想獨懷夜燈然擗葉凍雪墮塼堦

壞壁虛缸倚深爐小火埋鼠驕銜筆硯被冷束筋骸畢



竟圖斟酌先須遣癘疾

癘疾之徒

槍旗如在手

籌著色目

那復敢

歲褻

酬友封話舊敘懷十二韻

依次重用為韻

風波千里別書信二年稀乍見悲兼喜猶驚是與非身

名判作夢盃蓋莫相違草館同牀宿沙頭待月歸春深

鄉路遠老去宦情微魏闕何由到荊州且共依人欺翻

省事官冷易藏威但擬馴鷗鳥無因用弩機開張圖作一

門卷軸顛倒醉衫衣蓴菜銀絲嫩鱸魚雪片肥憐君詩

似湧贈我一作筆如飛會遣諸伶唱篇篇入禁闈

送王協律游杭越十韻

去去莫悽悽餘杭接會稽松門天竺寺花洞若耶溪浣

渚逢新豔蘭亭識舊題山經秦帝望一作壘辨越王棲

堤一作江樹春常早城樓月易低鏡呈一作湖面出一作

雲疊海潮齊章甫官人戴萼絲蛇女提長干迎客鬧小

市隔煙迷紙亂紅藍壓鷗凝碧玉泥荆南無抵底一作物

來日為儂攜

送東川馬逢侍御史回十韻

風水荆門濶文章蜀地豪  
眼青賓禮重眉白衆情高  
思勇曾吞筆投虛慣用刀  
詞峰倚天劍學海駕雲濤  
南郡傳紗帳東方讓錦袍  
旋吟新樂府便續古離騷  
雪岸猶封草春江欲滿槽  
餞筵君置醴隨俗我鋪糟  
莫歎巴三峽休驚鬢二毛  
流年等頭一作間過人世各勞勞

御定全唐詩卷四百六

欽定四庫全書

御定全唐詩卷四百七

元稹

酬盧祕書

并序

予自唐歸京之歲祕書郎盧拱作喜遇白贊善學士詩二十韻兼以見貽白詩酬和先出予草感末暇皇一作盧頻有致師之挑故篇末不無憤辭其次用本韻習然也

偶有衝天氣都無處世才未容榮路穩先跼禍機開分  
久沉荆掾慙經厠柏臺理推愁易惑鄉思病難裁夜伴  
吳牛喘春驚翔鴈回北人腸斷送西日眼穿隕唯望魂  
歸去那知詔下來涸魚千丈水彊燕一聲雷幽匣提清  
鏡衰顏拂故埃夢雲期紫閣厭雨別黃梅親戚迎時到  
班行見處陪文工猶畏忌朝士絕嫌猜新識蓬山傑深  
交翰苑材連投珠作貫獨和玉成堆劇敵徒相軋羸師  
亦自媒磨礱刮骨刀翻擲委心灰恐被神明哭憂為造

化災私調破葉箭定飲寒旗杯金寶潜砂礫芝蘭似草  
萊憑君毫髮鑒莫遣翳莓苔

見人詠韓舍人新律詩因有戲贈

喜聞韓古調兼愛近詩篇玉磬聲聲徹金鈴箇箇圓高  
疎明月下細膩早春前花態繁於綺閨情軟似綿輕新  
便妓唱疑妙入僧禪欲得人人伏能教面面全延之作一

清苦拘檢摩詰好因緣七字排居敬十詞敵樂天

侍御八兄

能為七言絕句贊善  
白君好作百韻律詩

殷勤閒太祝

張君籍

好去老通川

謂自

莫漫裁章句須饒紫禁仙

奉和權相公行次臨闕驛逢鄭僕射相公歸朝

俄頃分途因以奉贈詩十四韻

帝下赤霄符搜求造化爐中台歸內座太一直南都黃  
霸乘輅入王尊叱馭趨萬人東道送六纛北風驅棧閣  
纔傾蓋關門已合繻貫魚行灑迤交馬語踟躕去速熊  
羆兆來馳虎豹夫昔憐三易地今訝兩分途別路環山  
雪離章運寸珠鋒鋌斷犀兕波浪沒蓬壺區宇聲雖動



淮河孽未誅將軍遙策畫師氏密計謨漢上壇仍築褒  
西陣再圖公方先二虜何暇進愚儒

酬樂天東南行詩一百韻

并序

元和十年三月二十五日予司馬通州二十九日  
與樂天於鄆東蒲池村別各賦一絕到通州後予  
又寄一篇尋而樂天貺予八首予時瘡病將死一  
見外不復記憶十三年予以赦當遷簡省書籍得  
是八篇吟歎方極適崔果州使至為予致樂天去

年十二月二日書書中寄予百韻至兩韻凡二十四章屬李景信校書自忠州訪予連牀遞飲之間悲咤使酒不三兩日盡和去年已來三十二章皆畢李生視草而去四月十三日予手寫為上下卷仍依次重用本韻亦不知何時得見樂天因人或寄去通之人莫可與言詩者唯妻淑在旁知狀本

卷尋時於峽州面付樂天別本都在唱和卷中此卷唯五言大律詩二首而已

我病方吟越君行已過湖

元和十年閏六月至通州染瘴危重八月聞樂天司馬江

州去應緣直道哭不為窮途亞竹寒驚牖空堂夜向隅

暗魂思背燭危夢怯乘桴

此後每聯之內半述已蜀土風半述江鄉物產

坐痛

筋骸憊旁嗟物候殊雨蒸蟲沸渭浪湧怪睢盱索綆飄

蚊蚋蓬麻甃舳艫短簷苦稻草微俸封去聲漁租泥去聲浦

喧撈蛤荒郊險鬪貍鯨吞近溟漲猿鬧接黔巫芒屨洩

牛婦了頭蕩漿夫酢醅荷裏賣醅酒水淋沽

巴民造酒如淋醋法

舞態翻鸛鵒歌詞咽鷓鴣夷音啼似笑蠻語謎相呼江

郭船添店山城木豎郭吠聲沙市犬爭食墓林烏獷俗

誠堪憚妖神甚可虞欲令仁漸及已被瘡潛圖膳減思

調鼎行稀恐蠹樞雜萑多剖鱖和黍半蒸菰綠粳新菱

實金丸小木奴

巴橘酸澁大如彈丸

芋羹真甞淡魴炙漫塗蘇魚

鼈那勝荳烹鮓只似鱸

通州俗以鮓為鱸魚

楚風輕似蜀巴地濕

如吳氣濁星難見州斜日易晡通宵但雲霧未西即桑

榆

此後並言巴中風俗

瘴窟蛇休蟄炎溪暑不徂佺魂陰叫嘯鵬

貌畫跣跣鄉里家藏蠱官曹世乏儒斂緡偷印信傳箭

作符繻推髻拋巾幘鑊刀代轆轤當心鞘銅鼓背弣射

桑弧

巴民盡射木弓仍於弓左安箭

豈復民眊料湏將鳥獸驅是非渾

並添詞訟敢研朱陋室鴉窺伺衰形蟒覲覲鬢毛霜點

合襟淚血痕濡倍憶京華伴偏忘我爾軀

此後並言與樂天同科共

遊處等事

謫居今共遠榮路昔同趨科試銓衡局衙參典校

厨

書判同年校正同省

月中分桂樹天上識昌蒲應召逢鴻澤陪

游值賜酺心唯撞衛磬耳不亂齊竽

此後並言同應制時事

海岱

詞鋒截皇王筆陣毆疾奔凌腰裏高唱軋吳歛點檢張

儀舌提攜傳說圖擺囊看利穎開領出明珠並取千人

特皆非十上徒白麻雲色膩墨詔電光麤衆口貪歸美

何顏敢妬姝秦臺納紅旭鄴匣洗黃墟諫獵寧規避彈

豪詎囁嚅肺肝憎巧曲蹊徑絕縈迂誓遣朝綱振忠饒

翰苑翰

元和四年為監察御史樂天為翰林學士

驥調方汗血蠅點忽成盧

遂謫栖遑椽還飛送別孟痛嗟親愛隔顛望友朋扶狸

病翻隨鼠驄羸返作駒物情良徇俗時論太誣吾瓶罄

疊偏恥松摧柏自枯虎雖遭陷穽龍不怕泥塗

此已上並述五

年貶椽江陵樂天亦遭罹謫鑠

重喜登賢苑方欣佐伍符

九年樂天除太子贊善予

從事唐州也

判身入矛戟輕敵比鎚銖驛騎來千里天書下

九衢因教罷飛檄便許到皇都

十年春自唐州詔予召入京

舟敗罌

浮漢驂疲杖過邗郵亭一蕭索烽候各崎嶇餽人推

輅誰何吏執爰拔家逃力役連鑕責

音債

逋誅防戍兄兼

弟收田婦與姑縑紉工女竭青紫使臣紆望國參雲樹

歸家滿地蕪破窗塵埽埽幽院鳥鳴鳴

此已下並言靖安里無人居觸

目荒涼

祖竹襲新筍孫枝壓舊梧晚花狂蛺蝶殘蒂宿茱

萸始悟摧林秀因銜避繳蘆文房長遣閑經肆未曾鋪

鵝鷺方求侶，鷗鳶已嚇雛。徵還何鄭重，斥去亦須臾。迢

遞投遐徼，蒼黃出與區。通川誠有咎，湓口定無辜。

三月積之

通州八月樂天之江州

利器從頭匣，剛腸到底剗。薰蕕任盛貯，穢

稗莫超踰。公幹經時卧，鍾儀幾歲拘。光陰流似水，蒸瘴

熱於鑪。薄命知然也，深交有矣夫。救焚期骨肉，投分刻

肌膚。

本題云寄澧州李十一舍人果州崔二十二員外開州韋大員外通州元九侍御庾三十二補闕杜

十四拾遺李二十助教竇七校書兼投弔席八舍人

二妙馳軒陛，三英詠袴襦。

庾

十二杜十四並居北省李十一崔二十二韋大各典方州

李多朝，蠅蛭竇數集，蜘蛛



李二十雅善歌詩固多詠物之作  
實七頻改官衙屢有蜘蛛之喜  
數子皆奇貨唯予獨

朽株邯鄲笑匍匐燕蒯受擲揄嬾學三閭憤甘齊百里

愚耽眠稀醒素憑醉少嗟吁學問徒為爾書題盡已于

別猶多夢寐情尚感凋枯近喜司戎健尋傷掌誥徂

今日

得樂天書六年間席八次士元名位屈伯道子孫無舊好飛瓊翰新

詩灌玉壺幾催閒處泣終作苦中娛廉蔭聲相讓燕秦

勢豈俱此篇應絕倒休漫捋髭鬚

樂天戲題篇末云此篇擬打足下寄容州

詩故有戲譽

和樂天送客遊嶺南二十韻

次用  
本韻

我自離鄉久君那度嶺頻一杯魂慘澹萬里路艱辛江  
館連沙市瀧船泊水濱騎田迴北顧銅柱指南鄰大磬

浮三島周天過五均波心湧樓閣規外布星辰

交廣間  
南極浸

高北極浸低圓規度外星辰至衆  
大如五曜者數十皆不在星辰經

狒狒穿筒格猩猩置

展馴

郭璞云鸞鸞交廣山谷間有之南人俗法嘗用竹  
筒穿臂以授之狒狒執臂輒笑笑則唇蔽兩目人

因自筒中出手以釘釘之於樹猩猩嗜酒好履南人嘗  
以美酒置於其所且排十數履猩猩見之驟相謂曰吾  
既就擒矣然而漸飲至醉醉則穿破履而行既不能去  
相與泣而見獲故吳都賦曰猩猩啼而就擒鸞鸞笑而

被格蓋  
為此

貢兼鮫女絹俗重語兒巾

南方去京華絕遠冠冕不到唯海路稍通

吳中商肆多勝云此有語兒巾子

舶主腰藏寶

南方呼波斯為舶主胡人異寶多自懷藏以避

強黃家砦

柴去聲南夷之區落

起塵歌鍾排象背炊爨上魚身

夷民

大陳設則巨象背上作樂大魚出浮身若洲島海人泊舟於旁因而炊爨其上魚不之覺

電白雷山

接旗紅賊艦新島夷徐市種廟覲趙佗神鷺跼方知瘴

蛇蘇不待春曙潮雲斬斬夜海火燐燐

海水夜擊之則盡如火蓋陰火

潛然之謂也

冠冕中華客梯航異域臣果然皮勝錦吉了舌

如人風點點

一作點

秋茅葉煙埋曉月輪定應玄髮變焉用

翠毛珍句漏沙湏買貪泉貨莫親能傳稚川術何患隱之貧

獻滎陽公詩五十韻并啓

啓今月十七日公會儒於便廡稹亦謬容末席公  
出棠樹之首章且識其目曰客有前進士韋張在  
宋來會學由我而下聯為五言以美之諸生怙怙  
竦竦各盡詞以獻公公則舉其摧敵推案析理次  
至數聯應若前定諸儒有不安者隨為刮削變娖

為妍不廢暮而珠貫成就瑕不可掩者積六聯耳  
退而自咎且盛公之所為因而次用所聯翮賢等  
五十一字合為一詩止詠公之詞業力翰洎生徒  
學校之事而已也其於勲位崇懿在國籍族地清  
甲編世家政事德美播謳謠儉仁慈愛被親戚非  
小儒造次之所盡大凡受褊狹者不可以語大持  
杯捲而承澍雨自滿而止又安能測其濤沛之所  
至哉惶恐無任俯伏待罪謹以啓陳不宣謹啓

鄭驛騎翩翩孔門子弟賢文翁開學日正禮騁途年

張秀

才正暮榮陽公  
首薦登第也

駿骨黃金買英髦絳帳延趨風皆蹠足

侍坐各差肩解榻招徐穉登樓引仲宣鳳攢題字扇魚

落講經筵盛氣河包濟貞姿嶽柱天臯夔當五百鄒魯

重三千科斗翻騰取關雎教授先

榮陽公察吏生  
徒受詩有百數

篆垂

朝露滴詩綴夜珠聯逸禮多心匠焚書舊口傳陳遵修

尺牘阮瑤讓飛牋中的顏初啓抽毫踵未旋森羅萬木

合屬對百花全詞海跳波湧文星拂坐懸戴馮遙避席

祖逖後施鞭西蜀凌雲賦東陽詠月篇勁莖蹇足斷精  
貫蝨心穿浩汗神彌王颿颿興欲仙冰壺通皓雪綺樹  
眇晴煙驅駕雷霆走鋪陳錦繡鮮清機登突輿流韻溢  
山川墨客膺潛服談賓膝誤前張鱗定摧敗折角反矜  
憐句句推瓊玉聲聲播管弦纖新撩造化湏洞幹陶甄  
衛磬琤鉤極齊竽僭濫偏空虛慙炙輠點竄許懷鉉憊  
色秋來草哀吟雨後蟬自傷魂慘沮何暇思幽玄

稊病  
瘥二


年求醫在此  
公不忍歸之瘴鄉

喜到樽罍側愁親几案邊菁華知極

矣肺腑尚求旃抵滯渾成醉徘徊轉慕臙老歎才漸少  
開苦病相煎瓦礫難追琢芻蕘分棄捐漫勞成懇懇那  
得美娟娟拙劣仍非速迂愚且異專移時停筆硯揮景  
乏戈鋌儀舌忻猶在舒帷誓不褰會將連獻楚深恥謬  
游燕蒲有臨書葉韋充讀易編沙湏披見寶經擬帶耕  
田入霧長期閏持朱本望研輪轅呈曲直鑿枘取方圓  
呼吸寧徒爾霑濡豈浪然過簫資響亮隨水漲淪連惜  
日看圭短偷光恨壁堅勤勤彫朽木細細導蒙泉傳癖



今應甚頭風昨已痊丹青公舊物一為變蚩妍



御定全唐詩卷四百七